

XAIV KOM HAUM RAU KOJ THIAB KOJ TSEV NEEG



Kev sau nqi ntawm pej xeem yuav tsis siv rau txhua leej neeg nkag teb chaws Txhua yim neeg muaj qhov sib txawv, thiab cov khoos kas uas pab koj tsev neeg yuav tsis yog ib feem ntawm cov cai ua hloov pauv tshiab. **Nws muaj ntau cov neeg thiab cov koom haum uas yuav pab tau koj.** Tus kws lij choj ua hauj lwm txog kev nkag teb chaws yuav paub zoo txog qhov teeb meem no yuav muab tau lus qhia rau koj saib raws koj qhov xwm txheej tshwj xeeb. Lub koom haum tsis vam-nyiaj paj los kuj yuav muab tau lus qhia txog fab kev cai thiab kev pab rau koj.

KEV SAU NQI NTAWM PEJ XEEM YOG DAB TSI?

Yog qee tus neeg uas thov rau daim npav ntsuab (kom nyob raug cai mus tag ib txhi) los sis thov vis xas mus rau Teb Chaws Mes Kas yuav tsum hla kom dhau qhov kev sim "kev sau nqi ntawm pej xeem" - qhov uas yuav saib seb tus neeg ntawd puas yuav siv tsoom fwv cov kev pab cuam tshwj xeeb nyob rau yav tom ntej. Nyob rau kev ua qhov kev txiav txim siab no, cov neeg ua hauj lwm cuam tshuam kev nkag teb chaws yuav tshab xyuas tus neeg ntawd txhua cov xwm txheej, xam nrog rau lawv lub hnub nyoog, kev khwv tau nyiaj, kev noj qab haus huv, kev kawm ntawv los sis kev txawj (xam nrog rau kev paub lus As Kiv) thiab lawv tus neeg pab txhawb daim ntawv sau lav yuav pab txhawb los sis daim ntawv cog lus. Lawv los kuj yuav ua zoo saib seb tus neeg ntawd puas tau siv qee cov khoos kas pab pej xeem.

DHS qhov kev sim kev sau nqi ntawm pej xeem yuav ua zoo saib rau:

- Lub Khoos Kas Pab Khoom Noj (SNAP, "EBT" los sis "Nyiaj Muas Noj")
- Tsoom Fwv Kev Pab Vaj Tsev Nyob Rau Pej Xeem thiab qhov kev pab cuam nyob rau Nqe 8
- Medicaid (tsis xam nrog cov kev pab cuam xwm txheej ceev, me nyuam hnub nyoog qis dua 21 xyoos, poj niam cev xeeb me nyuam, thiab cov niam tsev yug me nyuam tshiab)
- Cov khoos kas pab nyiaj ntsuab (xws li SSI, TANF, General Assistance)

Cov neeg feem coob uas raug rau txoj cai tshiab no yuav tsis muaj cai rau cov txiaj ntsig uas tau sau los saum toj no. Cov kev pab cuam uas tsis tau muab sau tseg rau saum toj no yuav tsis muab suav mus rau qhov kev sim kev sau nqi ntawm pej xeem rau cov kev txiav txim siab uas tsim muaj nyob sab. Qhov no xam nrog rau WIC, CHIP, tsev kawm ntawv cov plus su, cov chaw pab khoom noj, cov chaw so, cov chaw saib xyuas kev noj qab haus huv hauv xeev los sis hauv zos, thiab ntau lub khoos kas ntxiv.


KEV SAU NQI NTAWM PEJ XEEM: QHOV NO PUAS SIV RAU KUV?

TAU HLOOV KHO LUB IB HLIS NTUJ XYOO 2020



Koj thiab koj tsev neeg puas yog Xam Xaj Mes Kas?

Kev sau nqi ntawm pej xeeem yuav TSIS siv rau koj. Koj tsim nyog sau npe nyob rau hauv cov khoos kas uas koj muaj cai rau.



Koj thiab koj tsev neeg puas tau muaj npav ntsuab?

Kev sau nqi ntawm pej xeeem thiab txhua cov kev hloov pauv nyob rau txoj cai tshiab YUAV TSIS cuam tshuam txog koj thaum koj rov mus txuas sij hawm rau koj daim npav ntsuab los sis thov ua Xam Xaj Mes Kas. Txawm li cas los, yog tias koj muaj phiaj xwm yuav tawm teb chaws li ntawm 6 lub hlis, qhov zoo tshaj ces koj yuav tau sib tham nrog koj tus kws lij choj saib xyuas kev nkag teb chaws.



Koj puas tau thov rau ib ntawm cov hauv qab no?

Puas tau thov rau TPS, U los sis T Visa, Asylum los sis Kev Thoj Nam Nkag Teb Chaws los sis Kev Thoj Nam Nkag Teb Chaws Tshwj Xeeb Ntawm Tus Tseem Yog Me Nyuam Yaus?

Qhov kev sim sau nqi ntawm pej xeeem yuav TSIS siv rau txhua qhov kev thoj nam nkag teb chaws, xam nrog rau txhua qhov teev npe ntawm no. Yog tias koj twb ua lawm los sis tab tom lis ntaub ntawv thov rau ib ntawm cov kev nkag teb chaws no, koj tuaj yeem siv tau nom tswv cov khoos kas txuas mus ntiv raws qhov koj tsim nyog rau.



Koj tsev neeg puas npaj thov rau daim npav ntsuab los sis vi xas nyob?

Qhov kev sim kev sau nqi ntawm pej xeeem yuav siv rau koj. Tsuas yog siv tsoom fwm cov khoos kas uas muaj npe nyob rau nplooj ntawv xub thawj yuav raug muab ua zoo xav mus rau qhov kev sim kev sau nqi ntawm pej xeeem. Koj li nyiaj khwv tau, hnuv nyoog, kev noj qab haus huv, kev kawm, kev txawj, xwm txheej ntawm tsev neeg, thiab tus pab txhawb daim ntawv sau lav pab txhawb los yuav raug muab ua tib zoo xav ib yam thiab. *Koj tsim nyob sab laj nrog ib tus kws muaj kev paub tshwj xeeb txog koj qhov xwm txheej ua ntej yuav muaj kev txiav txim siab dab tsi. Rau txoj hauv kev tus nqi qis los sis pab dawb nyob hauv koj cheeb tsam, mus saib hauv:*

<https://www.immigrationadvocates.org/nonprofit/legaldirectory/>

